

Nuxurka Muxaadaradii

الإلحاد خطره، وإبطال شبه الملحدين / القسم الثاني

لشيخنا الفاضل أبي محمد عبد الكريم حسن حوش (دفظه الله)

The image shows the front cover of a book. At the top right is a white circle containing the number '2'. The title 'Ilaha la illah' is written in large, stylized Arabic calligraphy. Below it, the subtitle 'خطره وإبطال شبه الملحدين' is written in a smaller, bold, dark font. A black rectangular box contains the English title 'ILXAADKA' in white, bold, sans-serif letters, followed by the full title 'ALLE KOODKA KHATARTIISA IYO BURINTA SHUBHOYINKA MULXIDIINTA' in a smaller white font. In the center is a gold-framed black seal with Arabic text: 'فضيله الشیخ' at the top, 'عبدالکریم' in the middle, and 'حسن حوش' at the bottom, with 'Cabdukkariim xasan xoosh' in English at the bottom. To the left of the book cover, there is a logo for 'manhaj' with the word 'منهج' in Arabic and 'manhaj' in English. Below the book cover, there is a banner with the text 'موقع مشايخ الدعوة السلفية في الصومال' in Arabic, and social media links for YouTube, Twitter, and Facebook, along with the website 'www.ManhajOnline.com' and the handle '@manhajonline' and '@Daarulxadiith'.

Axmed daahir (khayr jeclle)

Whatsapp number: +252659335111

Axmedbpc@outlook.com

Sheekhu (ilaahay ha ilaaliyee) waxa uu ku bilaabay muxaadaradan labaad in uu ku yara noqdo, oo dib u yara milicsado muxaadaradii hore, waxa uu caddeeyay caalamkan weyn ee aadka u habaysan, in aanu kedis ku iman.

Intaa dabadeed sheekhu waxa uu tilmaamay, **Alle-koodka** kuwooda dafiraya jiritaanka ilaahay, iyo kuwa ka shakinaya jiritaankiisa, iyo kuwa leh: ilaahay waa jiraa, caalamkan iyo makhluuqaatkanna isagaa abuuray, hase ahaatee markii uu abuuray dabadeed ayuu faraha kala baxay, oo wax fulin ah kuma laha, **Qaybahaas dhammaantood** waxa midaynaya in ay Gaalo wada yihiin.

Gaalnimaduna waa laba nooc:

1 (كفر أصلٍ 2) كفر ردَّة

- 1) Gaalnimo asliya, oo uu qofku ku dhashay, bimacnaa qofka waxa dhalay laba gaal, axkaamta adduunyada qofkaasi isna gaal ayuu xisaabsan yahay.
- 2) Gaalnimo Riddo ku timi, bimacnaa qofku muslin ayuu ahaa, hase ahaatee waxa uu la yimi wax lagu gaaloobayo, sida: in uu dafirayba jiritaankii ilaahay, ama isasoo-saarkii dhimashada dabadeed uu dafiray.

Sheekhu waxa uu tilmaamay in dadkan ilxaadka noocyadiisa

gaal-nimada ah la yimi gaal-nimadoodu tahay كفر ردَّة.

Kufru-ridduhuna waa ka daran yahay kufriga asliga ah, waxana uu ilaahay inooga warramay qofka gaalooba iimaankiisa dabadii, in acmaashiisii oo dhan ay burayso hadduu ku dhinto gaal-nimadaa

(ومن يردد منكم عن دينه فيمت وهو كافر فأولئك حبطت أعمالهم في الدنيا والآخرة) (ومن يكفر بالإيمان فقد حبط عمله وهو في الآخرة من الخاسرين)

Intaa dabadeed waxa uu sheekhu ka warramay, in malaaxidada loo qaybiyo laba qolo:

1. ملحد إيجابي
2. ملحد سلبي، أو الملحد لا أدرى

Ka hore waa mid dafiris cad la taagan, oo warkiisu cad yahay, ka dambese waa mid leh anigu waan ka shakisanahay, oo waxba iima cadda.

Nooca labaad ee salbiga ah, shakina warkiisu ku dhisan yahay, in uu doodo uma suuragal aha; maxaa yeelay shakigu waa aqoon-darro, aqoon-laawahana xaqqiisu waa in uu aamuso:

إنطق بعلم أو اسْكُتْ بحَلْمٍ

حقُّ الجاهلُ أَنْ يَسْكُتْ

Intaa dabadeed sheekhu (ilaahay ha ilaashee) waxa uu ka warramay:

قوَّةُ الْجَاذِبَيَّةِ

Ama waxa erey bixin ahaan soomaaliga loogu yaqaanno: **cuf-isjiidad**.

Caalamkan ama kawnkan waxa ka dhexeeya awood, awooddaasi waa mid aad u heer sarraysa, oo haddii intaa laga badin lahaa cufisjiidadkaa caalamkoo dhammi wuu isku uruuri lahaa, haddii ay intaa ka yaraan lahaydhaa aan la isba soo gaadheen, sheekhu markaa waxa uu tilmaamay in **cuf-isjiidadkaa** aan la arkayn, kaliya uun raadadkiisa la arki karo, hase ahaatee awooddaa lafteeda aan la arkayn, dad badan ayaa isku qaldaya

awoodda iyo raadadkeeda, taana sheekhu waxa uu tilmaamay in shayga iyo shayga waxa ka dhalanaya ay laba kala yihiin, waa sida caqligoo kale, caqliga ma aragno isaga, hase ahaatee raadadkiisa waynu arki karnaa.

Waxa kale oo sheekhu (ilaahay ha ilaashee) ka warramay waddooyinka aqoon lagu kasbado, oo saddex shay ah:

1. Dareemayaasha ama الحواس
2. Caqliga
3. War qof runlow ah sheego خبر الصادق

Waxa kale oo sheekhu uu raddiyay **ALLE-KOODKA** mid ka mid ah oo yidhi: waxa ay ku weydiinayaan marar badan: yaa ku abuuray? Markaas ayuu yidhi alle-koodkaasi: **aabbo iyo hooyo ayaa I abuuray!!!**

Sheekhu shubhadaa wajijo badan ayuu u buriyay, oo ay ka mid tahay:

1. Ninkani waxa uu sugayaa aabbo iyo hooyo in ay iyagana abuureen mid walba labadiisii waalid, markaa waxa uu sugay in ay makhluuq yihiin aabbihii iyo hooyadii, siday markaa suuragal u tahay in aabbihii iyo hooyadii ay noqdaan khaaliq iyo makhluuq dirkaba; maxaa yeelay khaaliq iyo makhluuq waa laba erey oo naqiidaan ah

النقيضان لا يجتمعان ولا يرتفعان، وهذه قاعدة عقلية

Labada shey ee naqiidaanka ahi mana wada joogaan, mana wada maqnaan karaan, waa qaacido logic ah.

2. Aabbihii iyo hooyadii maba garanayaan waxa uu ka samaysan yahay, sidee markaa u suuragal tahay in la yidhaahdo qofku wuxu samaynayaa wax aanu wax uu ka samaysan yahayba garanayn.

Sheekhu waxa uu soo qaatay sheeko hore oo culamada qaarkood ay sheegeen, oo dhix martay nin alle-kood ah iyo nin muslim ah, **Alle-koodkii** ayaa yidhi (markii muslimku ku yidhi: ilaahay oo kaliya ayaa wax abuura): aniguba waxbaan abuuraa?!


Markaas ayuu ku yidhi: na tus makhluuqaatkaad abuurtay, Hilib ayuu soo qaadday markaasuu ku riday geed hoostii, uuna yidhi: saddex cisho dabadood ha inoo ahaato, saddexdii cisho markay dhammaatay ayuu meeshii ka soo saaray hilibkii oo dirxi galay, markaas ayuu yidhi: makhluuqaatkaa oo dhan anaa abuuray! Masaa lagu yidhi: waayahaye tiradooda noo sheeg? Masuu yidhi: garan maayo, markaas ayaa lagu yidhi: immisaa lab ah? Immisaase dheddig ah? Masuu yidhi: garan maayo!

فَهُنَّ الَّذِي كَفَرُوا

Sheekhu waxa uu tilmaamay mas'alo aad muhim u ah, oo sheekadan ku saabsan, oo ah in dadka qaarkood ay sheegaan aragti ah:

تَوْلِدُ ذَاتٍ

oo ah shay iskii iska dhalanaya, aragtidaasina waxa ay ahayd aragti jiri jirtay laakiin markii dambe waxa ay iska noqotay aragti aan sax ahayn, aqoon-yahannada gaalada qaarkoodna way caddeeyeen in aanay sax ahayn aragtidaa sheegaysa; shay jamaad ahaa ayaa noole iska noqonaya, sida Aqoon-yahankii la odhan jiray **Louis Pasteur**, waxa uu tilmaamay hilibkan ama shaygan kale ee qudhmaya ee dirxigu ka dhalanayo in aanu dirxigaasi ahayn mid laftiisa ka dhalanaya, ee uu yahay: jeermis saarnaa dushiisa ama hawada sare oo ili-maqabatay ahaa markii hore, markii dambana koray oo weynaaday, waxana taa ku tusinaya haddii markii hore laga dili lahaa jeermiskaa meel fiicanna lagu ilaalin lahaa in aanu samaysmeen dirxigaasi.



Louis Pasteur

3. Haddii uu yidhi **ALLE-KOODKAASI** aabahay iyo hooyadayna waxa abuuray kuwii dhalay, kuwaana kuwii sii dhalay, waxa aynu odhanaynaa ayuu sheekhu yidhi: yaa abuuray makhluuqii ugu horreeyay jinsi walba hadday tahay banii aadamka iyo hadday tahay makhluuqaatka kaleba.

Waxa uu sheekhu intaa dabadeed aad u raddiyay aragtidi **Charles Darwen**, ee tibaaxaysay in banii aadamku ka soo jeeddo daanyeer, argtidaasina waa mid ay aad u caddahay buritaankeedu, oo xattaa qaar badan oo alle-koodka ka mid ah way buriyaan aragtidaa.

Qaar koodna waabay ku faanaan in ay ka soo jeedaan daanyeer, sida uu yidhi **Zahaawigii alle-koodka** ahaa:

من نسل قرٰد هالك *** ما حن إلا أقرُد

في سُلَّمِ المدارك *** فخر لنا ارتقاونا

Aad ayuu sheekhu ugu dheeraaday raddinta aragtida **Darwen**, waxa uuna dhageystaha ugu dhammeeyay hadalka in uu u noqdo kitaabka la yidhaahdo:

أربعون خطأ في النَّطُور للدكتور هيثم طلعت¹

Sheekhu intaa dabadeed waxa uu ka warramay: Ruuxda ama nafta, oo alle-koodka in badan oo ka mid ah ay dafiraan, hase ahaatee qaar ka mid ah ay sugaan, waxana uu tilmaamay sheekhu in aqoon-yahan marykan ah uu sameeyay diraasad nafta lagu ogaanayo miisaankeeda, oo wuxu sameeyay aqoon-yahankaasi in uu miisaamay 1907 lix ruux, naftu intaanay ka bixin iyo markii sidaa ay uga baxday dabadeed, oo uu ku

ogaaday in miisaanka naftu tahay: 21.3 Gr. Aqoon-yahankaana magaciisu waxa uu ahaa: **MacDougall** ماكدوغال

MacDougall



Waxa uu sheekhu raddiyay mid alle-kood ah oo diiday nafta ama ruuxda, islamarkaana yidhi: waxa aad aaminsan tiiin haddii aad tiiin muslimiinta in uur-jiifka nafta lagu afuufo 120-cisho dabadeed, cilmiguna waxa uu sugayaa intaa ka hor in uu nool yahay, taa sheekhu waxa uu kaga jawaabay: horta xadiithku kuma cadda in ruuxda lagu afuufayo 120-ka cisho dabadeed, in kastoo jamaahiirtu ay sidaa mareen, haddiibase lagu socdo sidaa jamaahiirta, waxa la odhanayaa dhaqaaqa la sheegay 120ka cisho ka hor ee uur-jiifku dhaqaaqayo kama cadda ruuxdu, maxaa yeelay noloshu way kala duwan tahay, tusaale ahaan: nolosha xayawaanka iyo nolosha dhirtu way kala duwan tahay, oo nolosha xayawaanku waxa ay leedahay Dareen iyo dhaqaaq doonis leh, nolosha dhirtuna waa koris, sidoo kale Timaha banii aadamku way nool yihiin haddana noloshii xayawaanka oo kale maaha, oo haddii lagaa jaro dareen xanuun ah ma dareemaysid, haddana way korayaan oo waxa ay shabbahayaan noloshii dhirta, sidaas oo kale waxa ah nolosha xayawaanka manawiga ah uu nool yahay, oo noloshiisu waxa ay shabbahdaa noloshii dhirta.

Waxa intaa dabadeed uu sheekhu ka warramay خبر الصادق waxa uuna tilmaamay in waxyaabo badan lagu sugo warka qof lagu kalsoon yahay uu sheego, wiilkan alle-koodka ah waa **Mooge Nour** ee leh: aabbahay iyo

hooyaday ayaa I abuuray! Muxuu ku sugayaa in aabbihii iyo hooyadii abuureen (dhaleen); maxaa yeelay waxa dhici karta intay bannaan ka helaan in ay iska sheegtaan, haddii uu yidhaahdo: **DNA** ayaa lanaga qaaday oo lagu sugay in ay I dhaleen, waxa aan leennahay: intii **DNA** -ga aan lagaa qaadin maxaad ku sugtay in ay ku dhaleen? Mise waad ka shakisnayd in aad ibnu xalaal ahayd iyo ibnu zine in aad ahayd.

Kaba kaalay isaga hadii uu muranka badiyo oo uu yidhaahdo **DNA**-ga Ayaan anigu ku sugay arrintaa, bal waaliddadii kuwa sii dhalay iyagana muxuu ku sugay? Wax aan ahayn **خیر الصادق** in uu yidhaahdo waan ku sugay uma furna.

Intaa dabadeed sheekhu waxa uu wax ka yara tilmaamay nabi muxammad (ammaan iyo nabadgallyo korkiisa ha ahaatee) nabinimadiisu in ay tahay mid sugar oo qadciya, Nabinimadana sideedaba laba ruux midkood uun baa sheegta: **cid run sheegta ciddii ugu run badnayd, iyo cid been sheegta ciddii ugu been badnayd**, labadaa qofina iskuma qasmi karaan, sidoo kale tilmaamahooduna waxa ay noqonayaan kuwo aad u kala taggan.

Sheekhu (ilaahay ha ilaashee) waxa uu tilmaamay in uu muxaadaro gaar ah kaga hadli doono: runnimada nabinimada nabi muxammad (ammaan iyo nabadgallyo korkiisa ha ahaatee) iyo qur'aanku inuu yahay hadalkii ilaahay uuna yahay xaq.

وَاللَّهُ أَعْلَمُ وَصَلَى اللَّهُ وَسَلَّمَ عَلَى مُحَمَّدٍ وَعَلَى آلِهِ وَصَحْبِهِ أَجْمَعِينَ

Axmed daahir (khayr jecle)

Whatsapp number: +252659335111

Axmedbpc@outlook.com